

C A P U T IV.

De Eucharistia.

ARTICULUS I.

De Reverentia Parochi in Missæ
Sacrificio.

157 **Q** 1. Quæ reverentia Parochio exerceenda
in Missa Sacrificio? illam colligi pos-
se ex Trid. Sess. 22. Decret. de observ. & evit. in
celebr. Missæ, ubi sic: *Satis apparet omnem ope-
ram, ac diligentiam in eo ponendā esse; ut quan-
ta maxima fieri potest, interiore cordis mundi-
tia, & puritate, atque exterioris devotionis,
ac pietatis specie peragatur.* Procul itaque à
Parochio abesse debet triplex abusus, videlicet:
Festinatio nimia, sacrificatio ex consuetudi-
ne sine præparatione, & gratiarum actione,
& cum conscientia gravis noxæ: *Tracta il-
lum reverenter; est enim filius Parentis nobis-
tis, & nobilis Matri,* dicebat aliquando mag-
nus DEI servus, & norma Sacerdotum Avila
Sacerdoti festino, & indecorè celebranti.
Verum quidem est, obligationem istam
omnes Sacerdotes ligare; ligat tamen præ-
primis Parochum, utspte fidei Magistrum
aliis præpositum, qui si magistrum hunc
suum adoranda mysteria indecorè tractare
cernant, quam in se erga illa reverentiam
excitabunt? Huc spectat Jeremiz maledi-
ctio c. 48. v. 10. *Maledictus, qui facit opus
Domini fraudulenter.*

Q. 2. *Quonam pacto evitari queat abusus* 176.
primus? R. Si duplex obſervetur ſacrificii
 longitudo: una *intrinſeca*, quæ ex ipla natu-
 ra requiritur ad pronuntiandum diſtinctè,
 orandum attente, operandum decenter id,
 quod in ejusmodi functione ſacri ritus
 præſcribunt; quales ſunt: genuflexiones
 decoræ, crucum formatio concinna, verſio-
 nes corporis, & progressus, vultus, & totius
 corporis habitudo modeſta &c. *Extrinſeca*
 illa dici potest, quam ſuo quiske arbitrio
 priori potest adjungere. Prior illa ſine noxa
 omitti non potest; tametsi quibusdam mi-
 nus piis tedium generet: nec enim Regum,
 & Principum convivia finiuntur citius, quia
 ephebi non ſine incommodo adſtant. Al-
 tera laudabilis eſt, dummodo, ſi in publico
 fit, non nimis teneritudini indulgeatur: hæc
 enim indulgentia pietatem alienam turbat
 potius, quam promovet.

Q. 3. *Quomodo evitandus alter abusus in* 177.
defectu præparationis, & gratiarum actionis conſi-
ſtentia? R. Juvabit in hunc finem perpende-
 re i. an non, dum ſacrificans Laicus adhuc
 eſſet, melius præparatus ad Cœli panem ac-
 cederit, meliusque eo percepto grates DEO
 perſolverit; cum tamen nunc viſiōn̄ DEO
 factus ſit, cujus maſteſtas multò terribilior eſt
 iis, qui proximè eum circumſtant, & coro-
 nant: *Terribilis ſuper omnes, qui in circuitu ejus*
funt Psal. 88. v. 8. Fortè etiam ſtimulum
 non levem addet commemoratio modi il-

lius, quo mundè, ornatèque convivia hono-
rata accedi, ab iisque non sive gratitudine
recedi solet; tametsi in iis non manu cœ-
lesti DEUS absconditus, sed vitulorum in
ollis Ægypti coctæ carnes apponantur. 2. Ju-
vabit considerare: quod si temerarium cen-
setur, accedere ad orandum DEUM non
paratum: ne veluti tentetur DEUS: *Ante
orationem prepara animam tuam, & noli esse
quasi homo, qui tentat DEUM.* Eccles. 18. v. 23.
quæ tandem temeritas sit ad immolandum
Agnum omnis expertem labis accedere,
eoque pasci forte quotidie; nec tamen ad
rem tantam vel obiter se præparare. Sanè
non appetet, quid Sacerdos sive fide, sive
spe, sive charitate, sive dolore, pudore, hor-
rore, qui actus animi parati bona sunt indi-
cia, celebrans, lucri ex sacrificio suo repor-
taturus non raro sit, præter stipendii forte
lucellum, & nauseam Divinam, ob tantam
in ministro suo tepiditatem. 3. Juvabit re-
colere, quantum humanitatis legibus adver-
setur, mox à sacrificio peracto se effundere
in colloquia, libentiisque confabulari cum
homine, quam cum loquente DEO seria,
salutique æternæ conducentia pertractare.
Nimis vilis his sit, aut factus est summè
æstimabilis DEUS.

178. Q. 4. *Quomodo tollendus abusus tertius sacri-
ficandi cum peccati mortalis conscientia?* R. gra-
vitas hujus sacrilegii tanta est, ut nisi cor
Sacerdotis maculati in cor Judæ abierit,
à buc.

à buccella divinissima seu conficienda, seu sumenda primo sui intuitu absterrere poscit. Explicant hanc gravitatem verba Apostoli.

I. Cor. 10. *Judicium sibi manducat, & bibit. Non potestis calicem Domini bibere, & calicem demoniorum. Reus erit corporis & sanguinis Domini, id est: ut Doctor Angelicus expōnit, reus erit, ac si Dominum occidisset. Nescio, dicebat devota quædam anima in Rel. Rom: apud Segneri Instit. Paroch. c. 14. de Sacerdote in mortali sacrificante: Nescio, quomodo Lucifer ipse possit esse turpior. Videbatur mihi miser omnibus in membris infernum circumferre.*

Q. 5. *Quid agendum Sacerdoti noxā lethali*^{179.} *contaminato, sacrificare volenti?* R. id ipsum declarari à Trid. Seff. 13. c. 7. ubi docet, ut nullus sibi conscius mortalis peccati, quantumvis sibi contritus videatur, absque præmissa Sacramentali Confessione ad sacram Eucharistiam accedere debeat; quod à Christianis omnibus, etiam ab iis Sacerdotibus, quibus ex officio incubuerit celebrare, hac sancta Synodus perpetuò servandum esse decrevit, modo non desit illis copia Confessoris; quod si necessitate urgente sacerdos absque prævia confessione celebraverit, quam primū confiteatur. Hoc tamen præceptum quam primū confitendi non obligat, si communicaverit more Laico.

Q. 6. *Quomodo intelligenda sit hac particula:*^{180.} *quam primū?* R. Quosdam Doctores relatos ab Escobar in Theol. moral. l. 2. problem. 58.

præceptum tempus ita intellexisse, ut exi-
stimarent eo duntaxat intelligi consilium.
2. Ut particulæ, quām primum sit sensus:
cūm suo tempore Sacerdos confitebitur.
Verūm utraque hæc explicatio hoc tempo-
re nequit sustineri, ut patet ex damnatis ab
Alex. VII. prop. n. 38. & 39. Melius itaque
Gobat tr. 3. n. 439. explicat dictam particu-
lam intelligi saltēm tertio die post illud Sa-
cramentum sīnē exomologesi factum,
estō nec habeat in animo celebrare, nec
præceptum Confessionis illum aliunde, seu
alio titulo urgeat. Censet autem Gobat
cit. Confessionem, dum quām primum po-
test, omittere, esse mortale.

*ARTICULUS II.**De obligatione Celebrandi Missæ Sa-
crificium.*

181. Q. I. *An Parochus teneatur quotidie facere Sa-
crum?* R. negativè. Nisi exigat peculia-
ris ratio fundationis. Suar. Tr. 3. in 3. p.
Disp. 86. f. 1. Consultum tamen id est lon-
gè maximè; tum ob specialem populi ædi-
ficationem; tum ob alendum complurium
è populo erga tremendum hoc sacrificium
devotionis affectum; tum etiam ad evitan-
dum scandalum, quod populus facilè cape-
ret, si hebdomadā totā templum videret
occlusum, & Parochum rei sacerulari unicè
intentum. Unde Palaus tr. 22. de un. p. 13.
vult

vult, obligationem quandoque urgere ex charitate pro ratione circumstantiarum, præsertim ut notat Laym. l. 5. tr. 5. c. 3. ubi populus est copiosior, qualis esse solet in civitatibus, & oppidis; item ubi redditus sunt uberiores.

Q. 2. *Quandonam Parochus ad sacrificandum?* 182.
 rēnatur? &c. cum Laym. l. 5. tr. 5. c. 3. toties illi obligationem sacrificandi incumbere, quoties plebs ipsi subdita ex precepto Ecclesiæ missam audire debet. Ratio est: quia ideo Parochus decimas, aliasque oblationes accipit, ut ipsis præstet ea, quæ ad salutem sunt necessaria; sufficit autem si per alium sacrificet; sic enim populo debetè prospicitur. Peccat tamen mortaliter, si ipse per annum saltē aliquoties non celebrat, in festis præsertim solemnioribus: cum enim obligatio hæc omnem sacerdotem urgeat, Parochus eā pariter tenetur. Desumitur hæc obligatio ex Hebr. §. v. i. *Omnis Pontifex ex hominibus assumptus pro hominibus constituitur in ipsis, quæ sunt ad Deum, ut offerat dona, & sacrificia.* Hinc 2. Mach. c. 4. v. 14. deploratur temporis illius infelicitas: ita ut Sacerdotes jam non circa altaris officia dediti essent, sed contemptō Templo, & Sacrificiis neglecti, festinarent participes fieri palestræ. Præclarè Beda allegatus à Gabr. l. 87. non legitimè impeditus celebrare omittens privat SS. Trinitatem laude, & gloriā, Angelos letitiā, peccatores veniam, justos subficio, & gratiā, in purgatorio existen-

*existentes venia, Ecclesiam speciali Christi beneficio,
& se ipsum medicinam, ac remedio.*

183. Q. 3. An, quoties sacrificare tenetur Parochus, etiam teneatur pro populo sacrificium offerre? R. contra Scotum cum Suarez D. 86. s. 7. Nav. & aliis negativè, nisi specialis lex dicēt, id requirat. Ratio est: quia beneficia curata propriè instituta sunt ad pascendum populum; & Sacramentorum ministracionem, non item ad sacrificandum pro illo. Videatur tamen lex charitatis, & æquitatis ratio suadere, ut pro suis subditis tum intrà, tum extra sacrificium DEO frequenter supplicet, aliquando etiam pro eis offerat. Colligitur ex Trid. Sess. 23. c. 1. refor. ubi sic: *cum Divino præcepto mandatum sit omnibus, quibus animalium cura commissa est, oves suas agnoscere, pro his sacrificium offerre &c.* Quoties autem sic offerre teneatur, desumendum est ex arbitrio boni viri. Hoc verò arbitrium formandum est ex copia, vel inopia reddituum, magna, aut parva necessitate Parochianorum. Gob. tr. 3. n. 493.

*ARTICULUS III.**De Stipendio.*

184. Q. 1. *Quantum stipendium pro Missa celebranda Parochus licet accipere possit?* R. quantitatem hanc consuetudine diuturna à probis, peritisque usurpata determinandam esse. Ita habet Nav. in man. c. 25. n. 78. cum

cum aliis communiter; vel Episcopi lege, ut docet Palao. tr. 27. disp. un. punto 16. n. 6. Tanner &c. nec à determinatione hac licet recedit Parochus plus exigendo, licet caritas vietualium augeatur. Gob. tr. 3. n. 565. Quod si justum stipendium non detur, opus non est offerre pro dante sacrificium totum. Suarez. Disp. 86. l. 4. Tann. &c. nisi promiserit totum; tunc autem probabilius peccatur solùm contra fidelitatem.

Q. 2. An hac exactio sapiat simoniam? R. 185.

Negativè, quia labor sacrificantis non aestimatur pretio; sed tantum petitur sustentatio, sine qua, per se loquendo, congruè vivere, consequenter munus obire Parochus non poterit.

Q. 3. An Parochus licet stipendium acceptet, 186.

aut exigat, si opulentè sit beneficiatus? R. cum Suar. cit. l. 3. Tann. n. 24. affirmativè. Ratio est: quia dignus est operarius cibo suo. Matth. 10. v. 10. & quis militat suis stipendiis unquam? 1. Cor. 9. v. 7. sicut ergo Parochus habens ad sustentationem necessaria, exigere potest decimas, ita etiam exigere potest stipendium pro Missa. Attamen charitas in proximum egentem, & periculum scandalii, saepe mitigare docet rigorem justitiae. Judicium enim sine misericordia illi, qui non fecit misericordiam. Jacob. 2. v. 17. Misericordia hæc potissimum urget in sacris funeribus hominum egenorum. Gob. cit. n. 569.

187. Q. 4. An Parochus accepto pingui stipendio v. g. per legationem piam, pro Missis pluribus reservet sibi licite partem illius; reliquum autem iustum, aut etiam excedens det alteri? R. affirmativam fulminatam esse Vaticano fulmine ab Alex. VII. sequentem propositionem damnante: n. 9. Post decretum Urbani VIII. potest Sacerdos, cui Missa celebranda traduntur, per alium satisfacere collato illi minore stipendio, alia parte stipendiū retenta sibi.

188. Q. 5. An Parochus licite acceptet stipendum duplex, & uni pro uno applicet fructum specialissimum, alteri pro altero minus speciale? aut uni Missam, alteri Indulgentias? R. negativè: quia communicabilitas talis est controversa, & incerta. Colligitur etiam ex propositione 8. ab Alex. VII. damnata, duplicatum stipendum potest Sacerdos pro eadem missa licite accipere, applicando petenti partem specialissimam fructus ipsime celebranti correspondentem. Ratio ulterior est: quia qui pro tali Missa, vel Indulgentia, dat stipendum, petit sibi applicari utrumque, sicque ferè judicant omnes communiter.

189. Q. 6. An saltē ultra stipendum ordinarium aliquid exigi possit, eo quod celebraturus alias, ubi voluerit, celebraturus sit in altari privilegiato, applicaturus Missam defuncto? R. negativè: Hoc enim non supponitur importare novum onus pretio aestimabile. E contrà, si dans stipendum petat sibi celebrari certo loco, aut tempore, cum onere novo, poterit,

rit ob hanc causam juxta Gob. quinta pars stipendii justi suprà exigi; nisi hac in parte aliud taxaverit consuetudo.

Q. 7. An Parochus, qui stipendum accipit, 190.
 teneatur dicere Missam, sicut offerens intendit, &
 petit, videlicet in certo altari, de tali Sancto, aut
 Requiem? R. affirmativè. Quia ob specialem
 offerentium devotionem, & speciales Missæ
 orationes, ac commemorationes, major fru-
 ctus impetratorius ad propositum finem
 provenire solet. Porrò, an dominicā die,
 si pro funere Requiem exigatur, id ipsum
 celebrandum sit, spectanda est consuetudo.
 Cæterū intrà funeris solemnia, si dies per
 Dominicam, aut Festum duplex impedita
 sit, rectius fecerit, si servata intentione po-
 stulantis Missam dixerit secundū ritum
 ab Ecclesia præscriptum; siquidem fructus
 præcipuus ex omnibus Missis æqualiter
 provenit; major autem ille fructus impe-
 trationis propter speciales preces satis
 compensatur pià Ecclesiæ intentione, ac Fe-
 sti celebritate. ità Laym. l. 5. tr. 5. c. 1. Henr.
 l. 9. c. 23. Miranda &c.

Q. 8. An mortaliter peccet, qui stipendio obli- 191.
 gatus etiam unam Missam celebrare sciens neg-
 lit? R. Id omnino est probabile. Ratio
 est: quia quamvis stipendum non sit na-
 turā taxatum; valor tamen Missæ, quo pri-
 vatur alter, est maximus; neque stipen-
 dium habet se ut pretium æquale Missæ.
 Idem dicendum de diu differente, id est,

ultra tres menses. La Croix l.6. p.2. n. 154. cum Pasq. In quo tamen attendendum bene est ad circumstantias præsertim cause, ob quam Missa petitur: nam pro defuncto minus differenda est, quam pro vivo. Item pro necessitate, quæ non patitur moram. Unde Urbanus in suo decreto mandat non plures Missas suscipi, quam quæ intrâ modicum tempus possint legi. Si verò quis plura suscepisset, tenetur, si non potest per se, satisfacere per alterum. Porro negligens celebrare, vel diu nimis differens, tenetur stipendium restituere, licet non teneatur etiam damnum compensare. Ratio est: quia stipendium injustè possidet; ad damnum verò compensandum fideles Missam petentes, obligare non videntur.

*ARTICULUS IV.**De Dispensatione SS. Eucharistiae.*

192. Q. I. An Parochus teneatur Eucharistiam ministrare, quoties piî subditi eam rationabiliter petunt? R. affirmativè. Ita Nav. in c. placuit de pœnit. Disp. 6. n. 152. Regin. Bonac. Fagund. &c. à Barb. c. 20. n. 15. citati. Ratio est: quia Parocco impositum est onus pascendi oves suas, quod maximè fit verbo, & Sacramentis. Ex quo patet, longè amplius eum ad id teneri, ubi subditi petentes obligantur, ut obligantur tempore Paschali, cuius extensio visis circumstantiis ab Episcopo determinatur.

Q. 2.

Q. 2. An mortaliter peccet Parochus Eucha- 193.
sistiam dispensando in mortali? R. cum probabiliore affirmative. Ita Fill. in QQ. Mor. tr. 4. c. 5. q. 9. Valen. Suar. Coninck. Bonac. &c. Quod autem toties peccet, quot sunt personæ, quibus dispenſat continuo, improbabile est.

Q. 3. In quibus paramentis communio di- 194.
stribuenda sit? R. ea debere esse non nigra: hunc enim ritum improbavit S. Congregatio 22. Januarii 1714. Unde si quis petat communicare, quando legitur Missa de Requiem, Sacerdos ante, vel post Missam debet communionem dare assumptâ stolâ aliâ non nigra, casulâ saltēm depositâ. Die Veneris sancto insuper ne quidem assumptâ aliâ stolâ non nigrâ communio dispensatur.

Q. 4. An liceat dare Eueharistiam aliis di- 195.
gitis, si indice, & pollice dari nequeat? R. si æger sine viatico moriturus esset, dari posse, & debere; posse, patet ex necessitate ægri, citra viaticum autem etiam dari posse, sententia est valde probabilis: quia ratione primorum digitorum tota manus videtur consecrata. Qui tamen sine causa ultimis digitis tangeret hostiam, venialiter peccaret, juxta Gobat. tr. 4. n. 391.

Q. 5. Quid faciendum hostiâ decidente? R. 196.
 locum tegendum esse re aliqua munda, & postea abluendum. Ratio est debita reverentia Sacramento præstanta. Ablutio tamen

men vestis, barbæ, ordinariè non præcipitur: quia melius est vitari turbationem populi, quam rubricam illam observari. Porro rubrica hæc non obligat sub mortali, sicut obligat, quando decidunt species vini: quia hæc imbibuntur. Illud tamen, in quod facer sanguis decideret, non est opus comburere, sed abluere sufficit. Quod si hostia inter distribuendum decidat in sinus, vel vestem mulieris, permitte potest, ut ipsamet, vel alia mulier manu sua extrahat, & reponat in ciborium: indecens enim foret, & plerumque scandalosum: si Sacerdos ipse eximeret. Si fortè ibi commode non posset eximi, potest mulier seorsim secedere, etiam ad vicinam domum, ibique eximere, & referre; abluendi tamen erunt digitæ mulieris, & ablutio in piscinam sacrammittenda, ut docent Lohn, Pasqual. & alii. De micis, nè decidant, singulariter curandum. Si tamen decidant, & adeò notabiles sint, ut levare possint, procedendum sicut de tota hostia dictum. Si verò minutæ sint adeò, ut observari nequeant, Angelis sanctis colligendi cura est comittenda.

197. Q. 6. *Quid agendum distribuenti, si videat, quod communicans hostiam deponat in stropholum?* R. non tenetur eum publicè arguere, vel statim repetere: per hoc enim infamaretur homo iste, forisque etiam Sacerdoti nimis incommodum, & periculum: quia fortè deponit præsentiens vomitum;

mitum; vel quia recordatur peccati, & putat melius esse sic deponere, quam deglutiire. Debebit tamen observari quis sit, & quod recedat, ac posteà ab illo sacra hostia repeti. Ità La Croix l. 6. p. 1. n. 503.

Q. 7. *Quid agendum, si bestia sacras species absumperit?* ^{198.} R. permitti posse, ut species in stomacho bestiæ consumantur, conseruenter non esse opus, ut bestia mactetur, si nondum credantur consumptæ, ac ita eximantur; nec esse opus, ut cum speciebus bestia comburatur: sive enim absumentur per ignem, sive per calorem stomachi animalis, non videtur esse major irreverentia. Ità idem. n. 505.

Q. 8. *Quid faciendum, si Sacramentum evomi contingat?* ^{199.} R. Si ab aliquo communicante, vel a Sacerdote in sacrificio sinè naufea absumi potest sacra hostia, separetur à rejectamentis cæteris, & absumatur, secus in loco sacro separata reportatur, donec corrumptatur; tum verò comburatur, & cineres in sacrarium mittantur. Quod si species non apparent, sed jam corruptæ sint, totus vomitus similiter comburatur, cineres in sacrarium mittantur. Cæterum vomitum sumpto Sacramento procurare licetum non est: nisi cum observatur species sumptas venenō, vel simili tabe infectas esse.

ARTICULUS V.

De Paschali Communione.

200. **Q.** *I. Quo cura Parocco adhibenda, ut subditi capaces Paschalem Communionem rite peragant?* *R. I.* oportet diligenter tam pro concione, quam in Catechesi declarare obligationem peragendi. *2.* Oportet diligentia eadem necessaria ad eam rite peragendam saepius etiam, si necessitas exigit, explicare. *3.* Opus est accuratè dispicere, qui ejusdem capaces sint, qui non; nè parentum incuria proles adolescere sinat in rei saluberrimæ, ac necessariæ neglectu. Ad dignoscendam autem capacitatem servire potest regula, quæ habetur c. *omnis utriusque sexus de pœnit.* & remiss. ubi sic: *omnis utriusque sexus fidelis, postquam ad annos discretionis pervenerit, omnia sua solus peccata, saltim semel in anno fideliter confiteatur proprio Sacerdoti, & injunctam sibi pœnitentiam propriis viribus studeat adimplere, suscipiens reverenter ad minus in Pascha Eucharistia Sacramentum;* nisi forte de proprii Sacerdotis consilio ob aliquam rationabilem causam ad tempus ab hisjusmodi perceptione duxerit abstinentium; alioquin & vivens ab ingressu Ecclesiæ arceatur, & moriens Christiana careat sepulturæ. Ex quo patet eos capaces esse, qui ad annos discretionis pervenerunt, quod prudentis arbitrio est dijudicandum. Hoc verò formari poterit tum ex suffi-

sufficiente rationis usu; tum ex sufficiente rerum spiritualium notitia, quæ in aliis citò, in aliis tardius, quibusdam etiam primò circa 14. ætatis annum contingit. Gobat tr. 4. n. 88. 89. 90. duplicem regulam statuit. 1. est: potest differri communio Paschalis in unum, alterūmve annum, etiam dum jam puer satis intelligit res ad illam rite obeundam spectantes, ob singularem reverentiam ad augustissimum hoc mystrium requisitam. 2. est: non delinquent, qui sui territorii morem secuti abstinent sicut, qui non hoc epulo usque ad annum 14. addit tam adolescentes, men laudandos Parochos, qui hunc modum, ubi plebs est doctior, emendare studem capaciantur. Tanner q. 8. n. 112. & 115. vult pueros Germaniae communione refici debere, & remitti inter annum 10. & 14. raro post 12. raro annis, postquam ante 10. Cæterum frequens, & sedula requiriatur à Parocho juventutis instructio; ne quis instructionis hujus neglectu diutius incapax perseveret.

Q. 2. *An fatui ad communionem Pascha. 2c. I.*
admissendi? R. negativè de plenè fatuis, affirmativè de semi-fatuis, qui videlicet absolutionis Sacramentalis sunt capaces; an verò sæpius per annum admittendi sint, prudentia ex circumstantiis ætatis, sexus, institutionis, modestiæ, pietatis &c. docebit. Plenè fatuis annumerandi sunt surdi, muti, & cœci à nativitate. Semi-fatuis, qui non à nativitate sunt cœci, & signa

signa præbent capacitatis ad absolutionem suscipiendam. Ita Gob. h̄c n. 137. 138. 139. 140. Quod si fatuus, surdus, aut puer, de cuius incapacitate constat, se ingerat in can. cellos, negandam censet idem Gobat Communionem. Huc spectant energumeni, phrenetici, epileptici, nauseabundi, catharosi, tussientes, qui communicari possunt, si absens sit periculum irreverentia, quod ex circumstantiis erit colligendum.

202. *Q. 3. An si Parochus resciat extra Confessionem subditorum aliquem sacrilege communicasse, eundem ad alteram Communionem adstringere possit?* R. affirmativè. Ratio est: quia Ecclesia præcepit Communionem fructuam. Unde meritò sententia docens præcepto Ecclesiastico per Communionem sacrilegam satisfieri, damnata est ab Innocent. XI. inter 65. n. 55. Ex quo probabilius deducitur, nec satisfieri dicto præcepto per Communionem etiam materialiter tantum sacrilegam: ut si quis ex invincibili ignorantia communicasset in statu peccati mortalis; is nihilominus, qui sacrilegè communicaret in Parochia, potest alibi alteram communionem peragere. Ratio est: quia in sacrilega Communione jam recognovit suum Pastorem.

203. *Q. 4. An si quem advertat præceptum Ecclesiasticum tempore Paschali non implevisse, eum elapsò tempore Paschali ad Communionem urgere queat?* R. probabilem quidem esse negati-

vam;

vam; probabiliorem tamen affirmativam, ut docet Suarez, Vasquez, Tanner, Amicus, & alii moti particulis illis: cit. c. ad minus in Pascha. Saliem in Paschate & can. 9. Sess. 13. de Euchar. Trid. Colligitur etiam ex usu Ecclesiæ, quo Ordinarii poenas vel infligunt, vel inflictas non remittunt, nisi elapsi etiam Paschatis tempore Confessio peragatur. Cæterum de poenis cit. cap. statutis notandum, eas, non esse sententiæ latæ, sed ferendæ. Unde Parochi non facile poenam alicui inferre debent, nisi prius monito, atque jubente Ordinario. Inspicendi præterea hic sunt speciales Diœcesium constitutiones, & consuetudines. Quod autem præceptum audiendi Missam non impletum die Dominica per omissionem auditionis, non urgeat alio die, ratio est: quia præceptum de audienda missa non est pro singulis hebdomadis, sed pro Dominica. Præceptum autem Communionis est pro singulis annis, ut constat ex cit. cap.

Q. 5. An, si aliquem suorum adverteret Pa. 204. schaii tempore à Communione impediendum, eam exigere possit cùius? R. negativè. Dummodo intra eundem annum semel communicaverit. Si tamen prævidetur, quod, nisi Communio anticipetur, occasio defutura sit intra annum communicandi, posset exigere anticipationem. Ratio est: quia principale est, quod præcipitur, ut intra annum communicetur; accessorium est, ut in Pa.

P. Herzog Man.

I

scha-

schate; ergo licet accessorium deficiat, ad-huc manet principale.

205. Q. 6. An eos, qui Paschali tempore communicarunt in templo aliquo Religiosorum, urgere possint ad novam Communionem in Parochia? &c. affirmativè. Nisi vel expressam, vel rationabiliter præsumptam licentiam (quam sufficere censet Tamb. de exp. Comm. c. 4. §. 4. Navarrus. Rodriq. Aversa.) à Parocho habuisset. Ratio est: quia Communione priore præcepto non satisfecerunt. Quoad famulos tamen domesticos intrá septa Religiosa habitantes habet Societas nostra expressum Privilegium in Comp. v. familiares. §. 1. & 2. eos non tantum communicandi in Paschate, sed etiam pro viatico. Quoad discipulos in scholis nostris Gobat tr. 4. n. 77. dicit eos satisfacere, si illis debitè attendant Professores, ut in templo nostro communicent. Consuetudine ubique id obtinente, Ordinariis prudenter convenientibus etiam ideò: quia Professores longè faciliùs obseruant defectum, & ad Communionem urgent. An verò Præcepto satisfiat communicando in Cathedrali Ecclesia, aliqui affirmant, alii, & plures, potentioresque negant, inter quos Bonac. q. 7. p. 2. n. 11. Lugo l. 1. respon. mor. dub. 15. Dicast. tr. 4. de Euch. D. 10. n. 170. apud Gob. tr. 4. n. 66. eidem sententiæ subscribentem. Ratio illorum est: quia licet Ecclesia Cathedralis sit superior; tamen sin-

gula

gulæ Parochiæ habent suos terminos, & singuli Parochi sua jura, non aliter ac singularè Diceceses, & singuli Episcopi pro sua Diœcesi; quamvis Achi-Episcopatus sit illis excelsior. Videtur tamen hic spectanda singularum Diœcesum consuetudo.

ARTICULUS VI.

De Viatico.

Q. 1. *Quid nomine viatici intelligatur?* **R.** in-206.
telligi Eucharistiam iis dari solitam, qui vitâ discessuri creduntur; ut medio hoc pro via in æternitatem iis prospiciatur: confert enim ex sententia communi ex opere operato specialia auxilia in morte juvantia.

Q. 2. *Utrum obligatio incumbat Parocho ad* 207. *vigilandi: an aliqui e suis subditis in mortis periculum inciderint, ut mature, & de die sacram* Viaticum illis afferatur? **R.** affirmativè. Patet: quia tunc maximè commissis curæ suæ de salute provideri oportet. Quòd si tamen de die afferendi occasio non suppetat, ac aliter necessitas postulet, afferendum est etiam de nocte. Quamobrem eidem Parocho curandum, ut semper in sacerario, seu tabernaculo serventur hostiæ consecratæ in pixide munda, quas hostias, nè vetustate corruptantur, communicantibus in Ecclesia ante alias distribui, vel ab ipso Sacerdote in Sacrificio post suum oblatum ante ablutionem sumi, & alias novi-

ter consecratas substitui oportet. Pixistamen, seu ciborum, non necessariò debet esse consecrata, dummodò interius vitta linea ex tela consecrata vestiatur, ut docet S. Thom. & cum eo alii non pauci. Renovatio autem hostiarum singulis mensibus facienda, præsertim tempore hiemali: nè hostiæ corrumpantur. Modus purificandi, licet variis variostris prescribant, optimus est per infusionem vini in ciborum, etiam bis, ter, & quoties opus fuerit, ut solvat micas omnes, ita ut, quod infunditur, congregatis in fundum per indicem micis è ciborio effundatur in calicem, ac ex eo sumatur ante ablutionem. Quod si hæc ex inadvertentia jam sumpta esset, adhuc potest purificari ciborum, & sumi reliquæ: reputatur enim una consumptio Sacrificii. Vermis, vel sordes inventæ in ciborio comburi debent, & cineres in sacrarium mitti. Ita La Croix cit. n. 501, 502, 503.

208. Q. 3. *An graviter peccet infirmus adultus, qui Viaticum sumere recusat?* R. nisi eodem die jam communicasset (non verò ante unam septimanam, vel mensem) affirmativè. Ratio est: quia materia est gravis, & valde conducens ad animæ bonum in articulo periculosisimo. Estque mortale duplex, si quis in Paschate moribundus Communionem negligat: quia est diversus finis utriusque præcepti. Hinc sequitur 1. quod excommunicatus teneatur procurare absolutionem.

lutionem, ut possit suscipere Viaticum. 2.
Etiam afficiendis suppicio dandum, & su-
scipiendum esse Viaticum, tametsi una tan-
tum hora ad supplicium restaret, ut docet
Sa, Fagund. Diana, Dicast. hic: Idem est
de eo, qui post unam horam esset occiden-
dus; juxta Gob. Lohn. etiam tunc cum sta-
tim est occidendum. Idem est de eo, qui
vulneratus statim est moriturus. c. is qui.
XXVI. q. 6. dicitur: si quis continuo credi-
tur moriturus, infundatur ei Eucharistia. San-
chez apud Gob. tr. 4. n. 206. Neque in-
conveniens est, quod sacrae species consu-
mantur in corpore mortuo: excusat enim
necessitas, & utilitas. Nec etiam refert,
quod forte pridie communicaverit, & ho-
die jejonus non sit. Quintan. tr. 4. sing. 14.
Imo si quis per viginti dies quotidie suspen-
datur ab executione supplicii, poterit toties
communicare pro Viatico. Ita Gob. tr. 4.
n. 207. cum Quintan. Ut tamen praxis haec
admittatur, difficile censet.

Q. 4. An etiam plenè ebrio dandum sit Via. 209.
ricum? R. negativè, si ebrietatem constet
plenè fuisse voluntariam; affirmativè, si de
hoc dubitetur, dummodo absit periculum
irreverentiae. Ratio prioris est: quia ebri-
us in ebrietate plenè voluntaria est indi-
gnus, utpote in peccato mortali constitu-
tus. Ratio alterius partis est: quia si du-
bitetur de ebrietate plenè voluntaria, ebrius
manet in possessione, & præsumitur velle.

Quòd si solitus est voluntariè se inebriare, censendus est id etiam nunc fecisse, ac ideo Viatico privandus erit. Ratio est: quia ex communiter contingentibus est prudens præsumptio. La Croix l. 6. p. 1. n. 609. Gob. tr. 4. n. 195.

210. Q. 5. *An etiam pueris Viaticum dari possit?*
R. cum Suar. Palao, Tanner, Rhodes &c, apud Gobat n. 92. affirmativè. Vocat hanc sententiam citatus Gob. magis piam, & ubi commodè potest, in usum redigendam, præsertim si petat puer octennis, vel novennis. Rationem dat: quia cui Sacramentum Pœnitentiæ conceditur, neque Sacramentum Eucharistiae negari debet, si petat; non audet tamen damnare secùs facientes. Quid de fatuis, surdis, mutis, epilepticis &c. hac in parte sit sentiendum, vide Q. 2. art. præcedente. Si quis ex febri in delirium incidat, si ante illud desideraverit, aut signa contritionis dederit, nec appareat periculum irreverentiae, dari & illi potest, ut habet Rit. Rom.

211. Q. 6. *An Viaticum dari possit non jejunio?*
R. affirmativè, si videlicet infirmo incommodum sit à dimidia nocte usque manè sì-nè cibo, ac potu exspectare. Avers. q. 8. S. 9. §. 6. Idem est, si æger longè distet v. g. duabus horis, & periculose ægrotet: tunc enim poterit etiam illi dari Viaticum, quamvis probabiliter postridie illud posset jejonus sumere: minus enim periculum requi-

requiritur ad sumendum Viaticum à non jejunio, quam ad suscipiendum extremam unctionem. La Croix l. 6. p. 1. n. 612.

Q. 7. An, qui semel communicavit per modum Viatici, etiam non jejunus, morbo continuante, & durante periculo mortis posset iterum sic communicare? *R.* affirmativè, & quidem per Suar. Henr. Regin. Fill. apud Moravsky lib. 6. p. 49. post sex, vel octo dies; per Laym. verò & Hurtadum apud Busenb. tr. 3. de Euch. d. 2. a. 2. etiam post duos dies, si æger assuetus sit frequenter communicare, & urgeat devotio. Inducendus autem est æger, ut sumat sacram Viaticum tempestivè propter casus insperatos, nec timenda mors sumenti illud: nam inquit Ambr. in Ps. 118. quomodo morietur, cui cibis vita est. Cavendum etiam, ut propter summam ejus dignitatem sumatur cum magna reverentia non solum interna, sed etiam externa, ità ut sumatur, si fieri potest, genibus flexis; si verò morbus id non permittat, saltè erigat se æger, & tantum hospitem demissio capite veneretur; excitandi sunt in ægro actus ferventes fidei, spei, & charitatis, gratiarum actionis, resignationis &c. de quibus supra. Ad quam devotionem serviet proponere ægro advenire ad illum animæ Sponsum, Ducem ad cœlum, bonum Pastorem ovem errantem ad cœlestè ovile deportaturum, Protectorem & Defensorem suum, Dominum munificentissimum, & benignissimum &c.

213. Q. 8. *Quæ forma dandi Viaticum?* R. esse hanc: accipe frater (vel soror,) Viaticum corporis Domini Nostri JESU Christi, qui te custodiat ab hoste maligno, & perducat ad vitam aeternam.

214. Q. 9. *An Viaticum dari possit die Veneris sancto, & tempore interdicti?* R. cum Tamb. in Meth. exped. Comm. c. 6. n. 4. & aliis, affirmativè. Ratio est: quia non est credendum, piam Matrem Ecclesiam velle tunc ægros tam utili Sacramento privare. Ob hanc causam peti etiam potest à Sacerdote hæretico, excommunicato, suspenso &c. Ita idem n. 8. Suar. Sanch. &c. Si alius desit, quamvis occasio aedesset suscipiendi alia Sacraenta præter Eucharistiam. Potest etiam, immò tenetur, in aliis defectu Viaticum deferre Diaconus. Lugo. D. 18. n. 27. Dicast. &c. Item potest Sacerdos communicare se ipsum. Tamb. cit. n. 26. Suar. Laym. apud eundem.

215. Q. 10. *An Parochus casu necessitatis urgente pro Viatico adhibere possit, & debeat materiam dubiam, int̄ hostiam è filagine, vel spelea &c.* R. det affirmativè Gob. tr. 3. n. 137. Instantiam dat in baptismo, in quo adhibenda est materia dubia, si haberri non possit certa. Quia tamen Sacramentum hoc necessarium non est necessitate medii, contrarium est tenendum. Porrò materia certa, dubia, & inepta ex mente P. Dicastillo tr. 4. Euch. d. 2. n. 19. ex communi Diœcesis cujuscunque regni.

æstimatione, & peritorum judicio est dignoscenda.

Q. 11. An Parocho liceat conficere Euchari. 216.

stiam pro Viatico extra Sacrificium? item an Latinus consecrare liceat in fermentato? item an Latino dari possit sub speciebus vini, si is sumere nequeat sub speciebus panis? item an consecrare licet absque sacris vestibus, absque altari? *Et* ne-gativè. Ratio est: quia præceptum Divinum non obligat, nisi quando observari potest cum debita reverentia, & ritibus principalibus, ac quasi substantialibus cæremoniis ab Ecclesia præscriptis. Quòd si æger sumere nequeat sub speciebus panis, consulitur, ut minuta hostiæ pars injiciatur in vinum, & ægro sumenda porrigitur.

Q. 12. An pro Viatico celebrare bis sit licet? 217.

Et, affirmativè. Ità teste Gobat, tr. 3. n. 193. plerique Theologi. Quod idem Gobat licitum censet, tametsi celebrans jam sumpsisset ablutionem. Cæterum probabilior est docens: non jejuno licitum non esse Viaticum conficere, nisi infirmus aliud Sacramentum recipere non possit. Laym. I. 5. tr. 5. c. 4. n. 6. monet, ut si Sacerdos in Missa post consecrationem, vel saltè post ablutionem moneatur de communicando infirmo, partem suæ hostiæ in hunc usum servet. Si verò moneatur statim post sumptam hostiam, abstineat ablutione, & novam missam inchoet, sicuti in die Nativitatis fieri solet. Nunquam autem in solo pa-

ne iterum consecrare licitum est pro infir.
mo. Ita Laym. cit. ubi nota, præfertim in
nostris terris potius curandum Parochis, ut
ex causa dandi Viatici pro infirmis semper
sufficientes particulas sacras asservent. De
reliquis casibus porro quemadmodum li-
citum est pro Viatico conficiendo bis cele-
brare, ita idem licitum esse dicit in casu,
quo populus cæteroquin die festo Missâ
privaretur, ut fieri posset in solennitate ma-
jore, aut ubi Parochus, duas Parochias ha-
bens, utriusque prospicere non potest. Mo-
net tamen, hoc ipsum nunc, ubi major est
Sacerdotum copia, vix locum habere; idem
est de aliis casibus; ac demum sequentem
regulam tradit: Tunc licitum esse bis cele-
brare, si major aliqua necessitas accedat,
v.g. populi querimonia, vel scandalum, nisi
iterum sacrificetur.

CAPUT V.

De Sacramento Pœnitentiæ.

ARTICULUS I.

De Parochi Jurisdictione.

218. Q. 1. *Quam Jurisdictionem habeat Parochus in Pœnitentiæ foro?* R. Parochus Sacer-
dos habet jurisdictionem ordinariam circa
omnes suæ Parochiæ fideles. Pro qua ju-
risdictione opus non est alia licentia, quam
ut